

ANUNCIO

No *Boletín Oficial da Provincia* (BOP) núm. 131, do 14/07/2015, foi publicado o acordo adoptado polo Pleno municipal do Concello de Cambre, en sesión extraordinaria do día 02/07/2015, respecto da determinación dos cargos da Corporación a desempeñar en réxime de dedicación exclusiva e parcial, as súas retribucións, réxime de dedicación, así como fixación das contías a percibir en concepto de asistencias e indemnizacións.

Este acordo foi modificado polo Pleno municipal, en sesión ordinaria do día 30/11/2016, no que se refire aos cargos da Corporación a desempeñar en réxime de dedicación exclusiva e as súas retribucións. A dita modificación publicouse no BOP núm. 243, do 26/12/2016.

Así mesmo, no BOP núm. 131, do 14/07/2015, foi publicada a parte dispositiva da Resolución da Alcaldía núm. 1145/2015, do 3 de xullo, relativa á determinación dos membros da Corporación que desempeñarán as súas funcións en réxime de dedicación exclusiva e parcial. O apartado primeiro desta resolución foi modificado pola Resolución da Alcaldía núm. 1936/2016, do 1 de decembro, cuxa parte dispositiva foi publicada no BOP núm. 232, do 09/12/2016.

Tendo en conta todo o anterior, e de conformidade co establecido no artigo 22.3 do Regulamento orgánico municipal, en concordancia co artigo 75.5 da Lei 7/1985, do 2 de abril, reguladora das bases do réxime local, por medio do presente anuncio dáse publicidade aos acordos vixentes no Concello de Cambre en canto a réxime de dedicación, retribucións, asistencias e indemnizacións dos concelleiros integrantes desta Corporación, tal e como se transcriben a continuación:

1º Os membros da Corporación que exercen as súas funcións en réxime de dedicación exclusiva, cos dereitos e as obrigas que iso comporta, e coa retribución bruta anual (sen ter en conta a antigüidade a aboar pola Administración de orixe en caso de servizos especiais) son os seguintes:

- Don Juan González Leirós, concelleiro delegado da Área de Urbanismo, Obras e Medio Ambiente: 40.000 €
- Don Ramón Boga Moscoso, concelleiro delegado da Área de Xuventude, Turismo e Patrimonio: 27.000 €
- Dona Elisa Pestonit Barreiros, concelleira delegada da Área de Servizos: 24.000 €
- Dona Leonor Fernández Grande, concelleira delegada da Área de Desenvolvemento Socioeconómico: 24.000 €
- Dona Josefa Vázquez Soto, concelleira delegada da Área de Protección Civil, Policía Local e Sanidade: 24.000 €
- Dona M^ª Dolores Blanca García Fernández, concelleira con delegación especial dos servizos de Participación Cidadá e Movemento Asociativo: 24.000 €
- Dona M^ª Jesús Gómez González, concelleira con delegación especial dos servizos de Igualdade, Terceira Idade, Acción Voluntaria e Educación: 24.000 €
- Don Brais Cubeiro Fernández, concelleiro con delegación especial do servizo de Deportes: 24.000 €

2º O alcalde-presidente da Corporación, don Óscar A. García Patiño, desempeña o seu cargo en réxime de dedicación parcial, cunha dedicación mínima de 32 horas semanais, preferentemente de 8:30 a 15:00 horas, de luns a venres, e coa retribución bruta anual de 32.000 €

3º As retribucións dos concelleiros estarán suxeitas ás variacións que se fixen para o persoal das administracións públicas na Lei de orzamentos xerais do Estado.

4º Os membros da Corporación que non teñen dedicación parcial perciben pola concorrencia efectiva ás sesións dos órganos colexiados dos que forman parte as seguintes contías:

- Plenos:	200 €
- Comisións Informativas:	150 €
- Xunta de Voceiros:	100 €
- Xunta de Goberno Local:	250 €
- Mesa de Contratación:	60 €

A asistencia a varias sesións do Pleno, Xunta de Goberno Local, Comisións Informativas, Xunta de Voceiros e Mesa de Contratación que teñan lugar nun mesmo día, computaranse como unha soa asistencia.

5º Os membros da Corporación que realicen comisións de servizo fóra do termo municipal terán dereito a ser indemnizados mediante axudas de custo polo importe establecido para o Grupo I no Real decreto 462/2002, do 24 de maio. Terán, así mesmo, dereito a ser indemnizados polos desprazamentos que realicen dentro do termo municipal por razón de servizo.

En todo caso, no relativo ao réxime de xustificación e abono das indemnizacións, resultará de aplicación o sinalado no Real decreto 462/2002 e demais normativa estatal vixente na materia.

O que se publica para xeral coñecemento.

O alcalde

Óscar A. García Patiño